



Inatsisartunut ilaasortaq
Anders Olsen (S)
/MAANI

§ 37 nalikilliliisarnermut tunngasut apeqquiti akissutissartai

Qujanaq apeqquaternut, matumuuna akineqartut.

Apeqquut 1:

Namminersorlutik inuussutissarsiutinik ingerlataqartunut nalunaarummik, kajallaasitamik imaluunniit ilitsersuummik nalikilliliisarnertit alanngortinneqarnerannut tunngasumik sulii sanasoqarsimannginnera uppersarsarneqarsinnaava?

Akissut:

Nalunaarut allaqqitassiaq nalikilliliisarnertit pillugit maannakkut tusarniaassutigineqarpoq. Tusarniaaneq juni 24-anut 2014-mi killeqarpoq.

Aamma nalikillisaarnertit inatsisaanut inuussutissarsiutinik ingerlataqartunut ilitsersuummik sanasoqareerpoq, ukioq isertitaqarfiusoq 2013-mut. Ilitsersuut aamma Akileraartarnermut Aqutsisoqarfiup nittartagaani nassaarineqarsinnaavoq uani:
www.aka.gl/borger/skat/vejledning.

Apeqquut 2:

2013-mili upernaakkut pineqartoq pillugu nalunaarummik nutaamik saqqummiussisoqalersaarnera uppersarsarneqarsinnaava, taamaassimappallu, taassuma sulii tamanut saqqummiunneqannginneranut suna ajornartorsiutaava?

Akissut:

Ajoraluartumik allaqqitassiaq nalunaarummut nalikilliliisarnertit pillugit nutaaq suliarineqarnera kinguaattoorpoq aningaasatigut aporfiit pissutigalugit.

Apeqquut 3:

Pigisanut nalilinnut akuliussatut atorneqartunut tunisinermit ajunaarutit iluanaarutisiallu nalunaarsorneqartarnerannut malittarisassat, pigisat nalillit ukiunut siusinnerusunut naleqqiullugu assigiinngitsunik immikkoortitikkaniq naleqarlutik agguataarneqarneranni, taakku "malittarisassatoqqat" naapertorlugit nalunaarsorneqannginnissaat uppersarsarneqarsinnaava?

Akissut:

Inatsisartut inatsisaanni normu 9-mi 3. december 2012-imeersumik aningaasarsianut akileraarutitut allannguinermit tunngasumut, namminersorlutik inuussutissarsiutinik ingerlataqartut nalikilliliisarnermut ingerlatseqatigiiffiit assigisaallu assigisaannik malittarisassaqaalerput. Namminersorlutik inuussutissarsiutinik ingerlataqartunut pigisanut nali-

16. juni 2014
Sagsnr. 2014-100844
Dok. Nr. 1604436

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

linnut akuliussatut ator neqartunut tunisinermi ajunaarutit iluanaarutisiallu nalunaarsorneqartarnerannut tunngasunik inatsit nutaanik malittarisassaqaqanngilaq

Allaqqitassiaq nalunaarummut nalikilliliisarnert pillugit massakkut tusarniaassutigineqartumi, uani pineqartumi allannguuteqarnissamut siunnersuuteqaqanngilaq. Nalunarporli tusarniaanerpup ingerlanerani, assersuutigalugu tusarniaanermut akissutini, allannguinnissamut eqqarsalersitsisinnaasunik takkuttoqassanersoq.

Apeqqu 4:

Nalilitt pigisat akulerussatut ator neqartunut tunngasuni siusinnerusukkut iluanaarutigisat "nalikilleqqitatut" kiisalu "tunisinermi iluanaarutisiatut" nalunaarsorneqartussaapput. Akileraartartoq taamatut nalunaarusiornissami 2013-imut tunngasumi qanoq iliuuseqassava, inatsimmi allannguinnikkut periarfissaq inatsimmi periarfissaajunnaarsimasutut isikkoqarmat?

Akissut:

Akileraartartoq apeqqu 3 akissutissartaani nassuiarneqartutut iliuuseqassooq.

Apeqqu 5:

2013 sioqqullugu biilit inuussutissarsiutinut atatillugu pisiat ator neqarneri 50%-imit apasinnerutillugit, biillilu 2014-imi iluanaaruteqarluni tunineqarneranni akileraartartoq, akileraarutitut immersuinermini malittarisassat nutaat naapertorlugit qanoq iliornissaa Naalackersuisut nassuiarsinnaavaat?

Akissut:

Apeqqu akineqassaaq assersuusaaq matuma ataaniittumi:

Biilit inuussutissarsiutinut atatillugu atornera ukiuni isertitaqarfiusuni 2012-mi 2013-milu taama tullerillutik 75 %-iupput 33 %-ilu. Biilit 400.000 koruunimut pisiarineqartoq taamalluni nalikillisarneqarpoq 250.000 koruunimut. Biilit 350.000 koruunimut tunipput.

Tuninermi akia 2014	350.000 kr.
Nalikilleqqittatut	<u>-250.000 kr.</u>
Tunisinermi iluanaarutisiat	100.000 kr.

Akileraartartoq 2014-mi ukioq isertitaqarfiusumi naatsorsornerani iluanaarutisiat 100.000 koruuniusut ilanngutissavai.

Apeqqu 6:

Inuussutissarsionermik ingerlatsisut inatsisip taamak ersarlutisigisup, pisortallu nalunaarutit ilitsersuutillu atorlugit suli nassuiarsinnaasimannngisaannik paasinnissinnaaneq Naalackersuisut naapertuuttutut isigaat?

Akissut:

Ajuusaarnarpoq nalunaarummut allaqqitassiaq nalikilliliisarnermut tunngasoq aatsaat upernaami 2014-mi tusarniaaffigineqarmat, naak upernaami 2013-imi suliarineqarnissaa naatsorsuutaasimagaluartoq.

Allannguutilli namminersorlutik inuussutissarsiiuteqartunut inatsisini allannguutit 2012-mi nassuiarluneqarput siusinnerusukkut eqqaaneqartumi: "Namminersorluni inuussutissarsiiuteqartut nalikilliliissuteqartarnerannut maleruagassat ukioq aningaasaqarfiusoq 2013 aallanerfigalugu atuutilersut pillugit ilitsersuut".

Apeqqu 7:

Nalikilliliinermut malittarisassat nutaat akileraartarnermut oqartussat isumaat naapertorlugu akileraartartumit paasinerlunneqarpata, tamanna qanoq tassunga kinguneqartinneqassava?

Akissut:

Akileraaruteqarnermut pisortat sapinngisamik akileraartartunut ikiuinissaminnut siunnersuinissaminnullu inatsisit nutaanut tunngatillugu tunniusimapput.

Akileraaruteqarnermut pisortat inatsisinit unioqqutitsisoqartoq paasissagunuikku nalilersuisoqartassaaq kinguneqartitsisoqassanersoq imaluunniit qanoq iliuuseqartoqassanersoq.

Apeqqu 8:

Inuinnaat suliffeqarfinnik namminerisaminnik ingerlatsisut, ingerlatseqatigiiffinnut sanilliullutik illuutitik umiarsuarnilluunniit anginerusunik taarsiinerminnut atatillugu ajornerusumik nalikilliliisarnikkut nutaanik malittarisassiuunneqarput. Suliffeqarfik inuinnarmik pigineqartutut ingerlanneqartoq tunisinerup nalaanik tunisap akianik iluanaarutimik ingerlaannartumik akileraartinneqassaaq, akerlianilli ingerlatseqatigiiffiit iluanaarutitik nutaatut nalilittut pigisaminnut ilanngaatisinnaavaat, taamaalillutillu akileraarutitut akilinnissartik kinguartissinnaallugu. Tamanna siunissami qaninnerpaami allanngortissallugu Naalackersuisut piumassuseqarpat?

Akissut:

Naalackersuisut pineqartumut tunngatillugu massakkuugallartoq allannguissaminnut pilersaaruteqanngilat. Taamatut allannguneq kingunerisinnaammagu akileraarutitut tunngavilimmik aningaasaliissuteqarneq, tamannalu pitsaanerpaanani.

Namminersorlutik inuussutissarsiiutinik ingerlataqartunut ingerlaannartumik nalikillisaasinnaatitaanerat annertunerupput, ingerlatseqatigiiffinnut sanilliullugit. Tamanna namminersorlutik inuussutissarsiiutinik ingerlataqartut ingerlatseqatigiiffiillu assigiinngissutaanut ikittunut naligiissaasutut oqaatigineqarsinnaavoq.

Inussiarnersumik inuulluaqqusillunga

Vittus Qujaukitsoq